

國朝宮史

國朝宮史

國朝宮史

卷之五

典禮

我

朝

家法相承內政肅清有典有則凡所以定位號辨等威服御器飾之末趨走使令之常莫不釐然各當若夫嘉辰令序歡宴式其儀祀事齋期肅將致其敬

夙興裁覽勅毖以時法

天行之健以無逸爲所

聖

聖貽謀穆乎想見關雎麟趾之盛意焉我

皇上躬昭醴化教始宮庭首敦孝治爲天下先祇事

聖母問

安視膳怡怡愉愉舉觴慶以承

歡躬綵舞而介社儀則本乎天經動容彰夫至德猗歟盛哉莫

有加於是矣乃觀夫日用之恒起居之節

躬蠶示其則嘉禮備其文莫不酌秉舊章聿垂令典肅雍端王化之原恭敬飭修齊之本由閨門以達邦國推之天下胥準諸此謹誌內廷典禮及常行規制爲禮儀三卷宮規一卷冠服儀衛各一卷其外朝諸大禮詳於會典茲不具載

典禮一

禮儀上

御門聽政儀

皇帝御門聽政之禮凡每日部院所進本有未經奉

旨者折本下內閣積若干件傳

旨於某日御門辦事內閣宣布於六部三法司至日

乾清

門首領太監等設

御榻黼宸於門外正中設本案一於前設大學士尙書等跪奏氈墊於左黎明領侍衛內大臣內大臣散秩大臣及豹尾班侍衛在丹陛下左右立東西面記注官翰林科

道官於西階下東面立部院衙門奏事大臣及陪奏官屬畢集於庭內魚貫序立祇候屆時

皇帝御輿至門啓扉降輿出闔扉

陞座

御前侍衛暨

乾清門侍衛左右僉立記注官升西階就西

柱下立部院奏事官由東階升

以戶禮兵工四部輪旁首上三法司直第三吏部直第六

各就列

跪尙書在前侍郎在後陪奏官屬又在後尙書一人奉本匣折旋而進至本案前北面跪恭陳於案興少退趨至東楹轉入班首跪口奏某事幾件畢興少退率衆循階左降餘以次升奏如前儀至吏部奏事兼帶領各部輪班司員八人引

見畢始退內閣侍讀學士二人升東階請本案前北面跪舉各部院本匣興退侍衛等及階下序立之翰林科道皆退是時

欽派讀本滿內閣學士一人奉折本匣升東階折旋而進大學士學士從升依班次跪記注官少進仍東面立奉匣

學士至本案前北面跪恭設於案啓匣取折本依次啓奏

皇帝降旨宣答大學士等承

旨訖興由東階降記注官由西階降

皇帝還宮

常日

視事儀

皇帝每日

視事夙興

御養心殿暖閣或

御乾清宮西暖閣及
弘德殿

閱

列朝實錄

寶訓一冊辰刻

進膳

閱王公大臣名牌

頒賜克食既徹乃

披覽內外臣工奏摺

批答授進止訖下所司隨

召見諸臣奏事太監承

旨下外奏事引進 乾清門

若御養心殿大臣年七十以上者許由內右門進

以次

賜見畢乃

陞寶座

宣引見官部旗大臣引

見者各以前後爲次捧名籤至

御榻前跪呈引班官按序引各官至丹陛上北面跪奏履歷

畢退

皇帝降旨以籤授大臣承

旨退

皇帝還便殿若

幸瀛臺等處進膳辦事亦如之每日未刻

進晚膳

閱內閣所進各部院及督撫提鎮本章

上披覽裁決畢內閣票簽酌用之付本房照簽硃批清字

票簽未當

者另降旨行

翌日下內閣硃批漢字施行

若刑部議覆立決本章仍於次日覆奏越日乃下內閣

日以

爲常

齋戒儀

皇帝齋戒之禮恭遇

壇

廟祭祀太常寺先期奏請得

旨親詣行禮屆期奏致齋

皇帝乃齋

南

北郊及

常雩

祈穀俱於祭前齋三日

御齋宮

祭前齋之第三日刻具法駕鹵簿詣

皇帝御殿視祝版已壇內齋宮齋宿

宗廟

社稷齋三日羣祀齋二日並於養心殿凡齋之日

躬懸齋戒牌端居虔肅

祭前一日沐浴

尙膳不進葷三法司不奏刑名

辦事召見如常

臣工如有謝不叩首俟齋畢仍補行禮

恩者俱

齋之始日厥明太常寺進

齋戒牌銅人設黃案於

乾清門中門之左太常寺率

所屬恭奉齋戒牌在前銅人在後前引如儀由後左門

至乾清門升自左階恭設於案齋戒牌南向銅人西

向跪三叩興退宮內各懸齋戒木牌於簾額齋畢並徹

壽康宮問

安儀

皇太后宮問

安之禮每間二三日

皇帝夙興常服乘輿詣

皇太后宮降輿由壽康左門步入至

皇太后暖閣前宮監傳奏

皇帝進暖閣跪敬問

起居

皇太后賜坐

皇帝興進至

御榻左一叩坐

賜茶

皇帝叩受飲復叩如初

皇帝奏對畢辭出乘輿還宮

殿試讀卷儀

每科會試各省中式舉人於太和殿策試後

欽命讀卷大臣八員校閱傳臚前一日辰刻以前列十本簽

擬名次緘封進呈

御覽

皇帝御養心殿西暖閣次第披閱畢召讀卷大臣入

親定甲乙以卷授讀卷大臣出拆彌封恭照名次繕寫綠頭

籤讀卷大臣率引班官引前列十人進乾清門至丹陛

西階下祇候

記注翰林
四人隨入

皇帝御輿由月華門

御乾清宮寶座

御前侍衛等左右侍立記注官由殿西門闌右進闕侍立讀卷大臣捧綠頭籤亦由殿西門闌左趨至

寶座前跪呈引班官引十人至丹陛中北面跪以次奏名籍畢興退

皇帝親定一甲三人二甲七人以綠頭籤授讀卷大臣讀卷

大臣恭捧興退

侍衛記注
宣威退

率十人侍立丹陛西階下

皇帝御輿由月華門還便殿引班官引十人先出讀卷大臣捧卷至紅本房用硃筆依次填名次於卷端仍捧出乾清門至內閣填寫金榜翌日

皇帝陞太和殿傳臚

紫光閣武試儀

每科會試中式武舉於太和殿策試之明日

皇帝親臨紫光閣閱馬步射又次日閱弓刀石技勇先期兵部奏日既得

旨巡捕三營率員弁治馬道於閣之西按定例步武設馬箭

把三步箭把一每把設鼓一丹陞西階下設藍旗一東
階下設步射木誌十至日黎明武備院張黃幕於紫
光閣丹陞上設

寶座御案於幕內設低桌於

御案之右懋勤殿太監陳列

硃筆煖硯於案鑾儀衛張黃蓋於幕東偏兵部派放馬官四
人率中式武舉每十人爲一班列馬道南揚旗官率參
將一人立西階下監鼓官四人分率營員各依鼓爲位
會試監射大臣四人殿試讀卷大臣四人兵部尙書侍
郎各以次立東階下記注翰林四人立西階下咸補服
屆時兵部侍郎一人赴乾清門具奏

皇帝乘輿出宮領侍衛大臣

御前侍衛等暨豹尾班侍衛引扈至丹陞上降輿

陞座侍衛等於幕東西侍立豹尾侍衛於階下左右排列紅
本處官二人捧兵部所進漢字名冊陳於

御案

以清字冊安於低桌上東
面跪展清冊按名照驗

兵部尙書進至中階下跪奏第一班第一

人某馬射隨退立原處揚旗官督參將揚旗放馬官督武舉放馬箭中某把司鼓官督營官報鼓每一班進兵部尙書跪奏如前馬射畢陳步把於甬道上侍衛率武舉至中階下仍以十人爲班各射步箭一每一人射中者報鼓如前

御筆皆親加記識既畢射紅本官起受

御案所陳冊并清字冊緘藏之

皇帝乘輿還宮引扈如來儀衆皆退翌日黎明武備院移丹

陛上黃幕稍南兵部官捧武舉綠頭名籤引至閣前稍

東祇候隨率營員陳刀石於陛前刀一百二十觔石三百觔爲頭號在中刀一百觔石二百五十觔爲二號在左刀八十觔石二百觔爲三號在右兵部官三人執弓各一頭號十二力次十力次八力武備院官六人

執出號弓自十三力至十八力各一立東階下餘儀俱如前

駕至

陞座侍衛率武舉每十人至前兵部武備院官各依所用弓力授弓以次進至中階下開弓畢兵部官引舞刀復以次掇石既畢退

皇帝以冊授兵部尙書侍郎等祇受退至丹陛下稍東恭按硃筆圈定十八人排次名籤

原冊總紅本處

捧由東階升至

御前跪呈侍衛率武舉至中階下列跪各奏名籍

皇帝親定一甲三人二甲五人三甲前列十人以名籤授尙書尙書祇受退至階下

皇帝乘輿還宮兵部尙書侍郎等以

御定名籤注甲第名次於上封授讀卷大臣至內閣填寫金

榜俟次日

陞殿傳臚

賞賜福字儀

每歲十二月初一日

懋勤殿首領太監陳龍箋大筆

墨海於重華宮祇候

皇帝以賜福蒼生筆書福字十餘幅懸貼各宮自是將軍督

撫奏函至並

御書緘賜之十五六等日

召御前大臣侍衛至重華宮二十六七等日

召諸王大臣內廷翰林等至

乾清宮

先期奏事處具名籤以請 欽定若干人分日 頒賜乃下內閣通傳至日集

乾清門祇候

賜福字其儀王公大臣等與領福字者俱以次集階下肅竢

宮殿監陳傳各首領太監集庭內執事

皇帝御座

重華宮於殿中 乾清宮於西暖閣

懋勤殿首領太監具高案筆墨

皇帝親灑宸翰書福龍箋每書一幅王公大臣等一人進至

御案前跪

書畢叩首祇領興太監二人恭捧前行隨而出餘依次跪領

如儀

勾到儀

歲秋讞九卿會議以

聞得

旨情實人犯著覆奏內閣按省分遠近定期請

旨

朝審中欽天監擇日內閣奏開請 旨既

允行刑部豫進各省情實人犯黃冊各道御史進覆奏本至日黎明內閣大學士學士刑部尚書侍郎記注翰林俱

集 乾清門外 懋勤殿太監設

寶座案東向陳筆硯文具

紅本處官
陳黃冊

又設低案一於前一於右

設硃
筆硃

硯

已刻

朝審勾到
以卯時

皇帝御懋勤殿更素服

陞座大學士等常服脫素珠並由

乾清門至墀內記注官

四人自階左升入殿門南向立內閣學士一人捧名單

匣大學士授覆奏本匣暨刑部尚書等由階右升入殿

門捧黃匣學士折而中詣前案西面跪大學士等趨至

右案南北面列跪

皇帝命大學士一人執筆大學士承

旨啓匣展覆奏本於案

賜坐大學士等咸一叩坐內閣學士啓匣以次舉名奏請

皇帝展閱黃冊

大學士等各展
閱所攜手摺

詳酌宥否其予勾者大學士舉硃筆

加勾既畢內閣學士斂名摺於匣大學士捧勾到覆奏

本於匣偕衆退

皇帝還便殿紅本處收黃冊大學士以勾到本授紅本處批

發

其朝審勾到
本運交刑科

乾清宮見屬國陪臣儀

謹案乾隆二十五年正月初九初十等日安集延額爾德尼伯克拔達山汗素爾坦沙等遣陪臣輸誠入覲詣乾清門跪請

聖安傳

旨召見王公滿漢大學士尙書都統侍郎俱詣乾清宮殿內左右以序安設坐褥祇俟

皇帝陞乾清宮寶座侍衛等侍立如常儀王以下咸跪賜坐咸一叩坐理藩院尙書引陪臣自乾清右門入趨西階升丹陛上北面行三跪九叩禮畢理藩院尙書引入殿西門於班末一叩坐

賜茶尙茶以茶案由中道進至檐下進茶大臣恭進

皇帝茶王以下暨陪臣咸行一叩禮侍衛等分賜茶各於坐行一叩禮飲訖復叩坐如初

皇帝召陪臣至御座前親以回語慰問咸震讐跪答復